





古雋考略總目



一卷禮集

天文
時令
地理
宮室

二卷樂集

君道
臣道
用人
官職

女職
人氏
人物
人名

三卷射集

神祭

身體

冠服

飲食

器具

四卷御集

文事

武備

旌旂

人事

五卷書集

財用

珍寶

草木

鳥獸

六卷數集

通用

外國

雜教

刑獄

死喪

疾病

雙稱

各音

雙字

古雋考略總目畢

正倉
之
田

糸
目

二

古雋考略卷之一

東浙上虞顧克輯

南直吳縣韓光曙

福建晉江龔雲致

廣東番禺馮應京

海陽黃文炳叅閱

南直青陽羅賜祥校正

天文類

穹隆

又集韻
作穹隆

霜

霜者喪也言其氣
慘毒能喪物也

蒼旻

春為蒼天色夏為昊天
氣秋為旻天情冬為上天
位中天為鈞天

光風

日出而風也爾雅
日出而風為暴誤

祁連

鮮于國謂
天祁音時

哉明

哉生明哉初
也讀曰再載

瞳朧

音童籠日欲明
貌即矇朧也

瞳朧

音童籠月
出欲明貌

銀河

天河也色
白如銀

天圓

作圓
非

三能

能台同史記
三能色霽

攬槍

杜詩攬音讒又音攬槍音
鎗妖星也尔足作攬槍

觜觿

音咨携
星名

天媛

古賦織
女名也

雷霆

穀梁傳云陰陽相薄感而爲雷
激而爲霆公羊云雷疾甚爲霆

颶風

疾風
也

前星

太子
星也

參辰

高辛氏二子曰閼伯實沉日尋于戈以征討上
帝遷閼伯於商丘主辰遷實沉於大夏主參

蜺

韻會又虹霓同雄曰虹雌曰蜺凡虹雙出
色鮮盛者爲雄曰虹差暗者爲雌曰蜺

天弓

侯鯖錄云卽虹
也又名帝弓

旁羅

一云旁
度天之器也

神漿

隋書甘露也

雲程

龍行雨所及謂之雲程

氤氲

字原作壹壺韓詩又易作絪縕元氣也易大傳烟煴○又氤氛

玄枵

正韵作元枵十二辰名

玄枵

音囂星名正从木

台階

卽泰階泰階三台也天之三階也

豐隆

楚詞雷師也韻會作靈震

洪鈞

洪鈞謂天也鈞謂模下圓轉者爲鈞天形似之故云

天關

北極也

山巾

瑣言霧也

天聲

竇融傳天聲雷霆之聲也

飛廉

風伯也

璇璣

見書經隸書作旋機玉篇作璿天官書鄭玄注俱作璇

朱塵

紅塵也

翔陽

文選翔陽日也日中有鳥故言翔

天醒

醒音精孫氏瑞應書景星也

霖霖

正韻又廉纖同細雨也

髦頭

胡星史記作旄昴星也

曾冰

層冰同出塞曲指落曾冰間

姮娥

見玉篇古今詩話作嫦娥選作常儀

洪飈

大風也

扶搖

莊子風也韻學作颿颿一曰羊角又曰旋輪

蟾蜍

蟾蜍同

觜星

觜崔資二音

牽牛

一名河鼓譌為黃姑續齊潛志桂陽成武丁謂七月七日織女渡河詣牛郎此不過一人之謬談耳今以為故事至有鳥鵲成橋渡織女之說何誣天之甚也

桑榆

淮南子西日垂影在樹端謂晚也

曾穹

天也古詩舜目矚曾穹

東隅

隅當作隅即書所謂嵎夷東方日出之地故謂蚤也

降婁

降胡江切次名

雷收聲

傳曰雷八月入地百八十日

聆朧

日光也

聆朧

月光也

颼颼

風也

涇濛

小雨也

扶光

扶桑之日光也

羲娥

日月也

三精

三精日月星也

扶風

奔風也禹沐淫雨櫛扶風

顥穹

曾穹同天也

黃旗

瑞雲也詩黃旗映朱邸

流焱

風也

鮮雲

輕雲也

甘霤

雨也

皇祇

天地也

朱光

朱光日也

熹微

日欲暮也

鴻濛

蒙同自然天氣

咸池

星名天池也

庖風

梁元賦
暴風也

香雲

纖阿

月御也

淅淅

淅音綏淅小雨也集韻作霰韻會作淅

雷同

雷之發聲物無不同時應者故曰雷同

雲烝

蒸同賈誼賦雲烝雨降惟薪蒸字無作烝

精靈

大戴禮陽氣為精陰氣為靈

衝飈

急風也

娥觜

見韻會月令注作諏訾

大茀

彗星

月

釋名月闕也滿則復缺也徐整長曆曰月徑千里周圍三千里下於天七千里

月蝓

蝓窟同月所生曰蝓

日稷

稷曷同日中則昃又昃曷同

月運

淮南子運讀如周圍之圍同

月胥

胥音魄霸同月始生也

日月

日姓張名表字長史月姓文名申字子光見道經卮言

啓晝

啓音遣雨而晝見日也

福德

德星卽歲星歲星所在有福名福德

霹靂

見星經音書作礚礚天文志作辟歷復古編作劈歷

蟬竦

蟬竦同虹也

列缺

電也

九閔

郊祀歌音亥九天之上淮南子作九咳

斗杓

杓音票杯杓則音酌

苦霧

重霧也

霽淞

音孟途液黃氏日抄雨如霧也音夢送

古詩集卷之四 天
王
溟沐

詩經又霖霖
同膏雨也

晻晻

古賦晻晻感切
蒲對切昏暗貌

霏霏

古賦霏徒感切霏徒外切霏霏
露垂貌韻會繁雲貌亦作霏霏

液雨

小春月內雨爲液雨百蟲
飲而藏蟄俗呼爲藥水

澍雨

澍音注
時雨也

雨汁

白孔六帖
雨雪雜下

噫氣

莊子大塊噫
氣其名爲風

煒燁

明盛也亦
作煒燁

舶趠

趠音鈔又音獨海風也
此風與海舶俱至故名

觶發

觶音必說文作畢六書故作渾發風寒也○觶羌人
吹角也其聲悲栗故名觶栗冬日寒風驟起其聲似

之故

云

粉野雪

化日

化國之日也潛夫論化國之日舒以長民日有餘力覺長

雨墨

災祥集天雨墨君臣無道讒人進

巽二

幽怪錄風也草木子招搖巽二

浙瀝

雨聲

燦爛

星光晃耀之貌

六出

雪花也韓詩外傳凡草木花多五出。地六為水之盛數雪花獨六出又云立春則五出也。雪花水結故六出

卵色

天色也唐詩注以卵為卵非又改為柳色非

晚照

夕陽也

八柱

王逸曰天有八山為柱

黨見

荀子怪星之
黨見黨頻也

爽塏

明燥
也

沆瀣

列仙傳朝霞沆瀣乃北方
夜半氣天地玄黃之氣

朐朐

朐尾竹切朐他了切文選月朔
見東方曰朐晦見西方曰朐

露布

春秋緯武露布文露布注曰甘露見其
國布散者人尚武文采者則甘露遲重

晻曖

日不
明

縮朒

朔而月見東
方不申舒貌

月朏

音配又音斐月未成也承大月生二
日謂之魄承小月生三日謂之朏

朏

晦而月
見西方

日昃

音迭

電

殄也乍見則殄滅也

粒雪

霰也集成

薄食

食蝕同日月無光曰薄又赤黃為薄又不交而食曰薄又氣往迫之為薄虧敗曰蝕

野馬

莊子言野馬塵埃為兩物古人謂一物不知野馬乃田野間浮氣耳佛書謂熱時野馬陽焰即此物也

日晏

揚雄賦天清日晏注無雲也

碧落

天也

四陸

天有四陸四時日月所行之地

逸景

過影也

彗孛

李尋傳作彗弗

七曜

穀梁傳序日月五星謂七曜

側匿

蔡邕傳元朔而月見西方謂之側匿五行志作仄隱

皦日

音皎白
日也

飈飈

風聲

黻黻

黻音愛黻音
費雲氣貌

黻黻

亦作
黻

積素

素雪也

湛露

湛上聲作
去聲非

利眼

日也言天有日
月如人有眼

洛澤

楚詞冬
水洛澤

木介

介音駕木上
冰又名木稼

玃玃

玃音勺
奔星也

矐矐

荒苦入聲从
矐炯者非

野燒

音少
火也

天行健

一晝一夜行
九十餘萬里

混沌

韻會作混佗援
神契作混沌

格澤

星名妖氣自地燭天讀為霖鐸劉履作選詩補注乃云獅子名曰白澤白與格音相似乃以白澤為格澤

龍虢

虢音鬪天文志日月會龍虢尾

封姨

傳異記風神也

日暍

暍音暄本作烜日易作日以烜之

日睢

睢音移日斜也

月徯

徯諸同詩日居月諸

卿雲

卿慶同

天策

傳說星也

覆燾

燾同

素娥

月色白故云

三舍

熒惑徙三舍當如史記作三度傳寫訛也

屏翳

雨師廣韻作弄翳

角亢

壽星也列宿之長亢音剛

星隕如雨

如當作而與雨偕也

谷風

穀同

旁魄

魄音薄日月旁魄

東壁

天文志東壁一星主文章圖書之祕府也

羊角

旋風也

賁星

賁音義字同淮南子賁星墜渤海溢

天鼓

抱朴子云雷者天地之鼓

隋星

隋音妥

天漏

雨多曰天漏杜詩鼓角漏天東後人改漏為滿非

燭陰

即燭龍

雲氣

六書正譌作云氣

龍見

建巳之月蒼龍七宿皆見東方

金魄

月生於西乃金方

天酒

瑞應圖
甘露也

營室

星也作宮以
營室中為正

白駒

日影也是日氣為野馬日影
為白駒野言其處白言其色

隙駒

白駒過隙白駒日影
也劉孝標隙駒不留

颯風

颯飗同
南風也

太清

文選太
清天也

靈匹

謂牛
女也

淫雨

淫霖同左傳
天作淫雨

滂沛

復古編又
滂霈同

天笑

六帖玉女投壺
天為之笑則電

黻黷

音梅整廣
韻從鰲

女嬃

嬃音茲太白金妻
星名居南斗出星經

杞憂

杞國人憂天
崩身無所寄

颶風

颶音具四面風俱至也謂之風癡

六龍

日駕也楚詞維六龍於扶桑

瓊樹

古人詠雪多用瓊樹瓊枝皆誤按瓊赤玉也

九鳥

羿射日落九鳥

赧蚤

見天文志史記作蝦虹

天表

天外也

天目

日月日月天之目

天緯

通作載

青女

淮南子霜神名青女

天棂

音棒星名又音浮

石尤

打頭風也唐詩不解改作古淳風誤

天柱

東方朔神異經崑崙有銅柱其高入天謂之天柱

夫遂

司烜氏以夫遂取明於火注陽鑒也夫音符

陽鑒

說文陽鑒六書正譌作易鑒尔疋作燧周禮注作遂

山帶

天將雨有白雲亘中嶺謂之山帶

日昇

昇升同

霾暄

霾莫排切暄一計切風而雨為霾陰而風為暄

大圓

天也

启明

星名詩作啓明

青冥

楚詞天也

絳河

天河也

梅雨

梅當作黴因雨當梅熟之時遂訛為梅雨

嫫女

爾雅須女謂之嫫女

美人

虹乃天地之淫氣俗呼美人

牛渚

即天河

何鼓

何去聲即荷也韻府作河鼓非

填星

填鎮同晉天文志作填星

歲星

木星也一年行一次十二次而周天行一次而四時之功畢故年謂之歲

覆燾

燾禮作幬同覆也

列風

烈同

日暎

暎音吞日初出貌古詩晚出朝日暎

西顥

西方少暎也又與昊同

曜靈

初學記日也

銀燭

月號爲銀燭

皞天

鄭崇傳皞天罔極與昊同又顥同

星紀

七政終始於斗牛故曰星紀

七襄

襄說文織女也漢魏有縣能織錦綺因名曰襄七襄織文之數也

淮雨

尚書說云淮雨暴雨之名也

大川

天河也

鬱華

七聖記曰鬱華而赤文與日同居鬱華日精也

赫曦

日光西京賦作赫戲又作熾

烈風

王莽傳作列風

跋烏

跋七論切太平御覽日中有跋烏跋趾也謂三足鳥

卿靄

卿靄瑞雲也

砢礧

雷聲也

緒風

相續不斷風

慶霄

慶雲也

風角

星占觀四隅之風占之
與角字不同角音祿

商雲

雲三色也
瑞雲五色

洪覆

天也

膚寸

雲也又
作扶寸

甘澤

六月三時雨
農家爲甘澤

天宇

天之覆地
如屋宇也

夜光

皇甫氏年歷月以
宵曜名曰夜光

華景

日光也

晰明

禮記作
質明

曛日

晚也

初晰

日出之
光也

耀燁

音橙俗言
耀日燁光

夕霏

霏日
氣也

香雨

拾遺記員嶠山西有星池有神龜出爛石之上此石曉有烟香聞數百里烟氣力天則成香雲遍潤則成

香雨

玄液

柳文雨也

陽燧

正譌作易鑒金也摩拭令熱便置日中以艾就之則火生

孟婆

厄言風神也北戶錄作孟姥舡神

三白

要宜麥見三白雪也朝野僉載

熒惑

見鹽鐵論劉向傳作營或

霜信

北方白雁來則霜降謂之霜信古今詩話

風信

歲時記自初春至初夏有二十番謂之花信風

號屏

豐隆迎號屏注號屏雨師也

青林

天苑星也

古今考略 卷一 天 十三

望舒

歸田賦曜靈俄景繼以望舒注曜靈日也望舒月也

頽魄傾羲

謝惠連頽魄不再圓傾羲無兩旦魄月羲日也言月既缺一月之中無再圓日既傾

一日之中

無更朝也

譌火

妖火也

腹堅

冰初凝惟水面上下皆凝為腹堅

依斐

一作霏古賦雲依斐而承宇

顧兔

月中兔謂顧望之兔也

礧礧

電光也

嚙噓

神仙拾遺天開口笑

時令類

陰陽

六書故作会易

三餘

冬者歲之餘夜者日之餘陰雨者時之餘

三元

正旦也歲之元日之元時之元

青陽

春為陽天地盛德在木木色青故

周親

唐玄宗名隆基改期年為周親

升辰

春秋考異記冬至也

遼明

史記遼明言天徐徐欲明之頃考古論亦作黎黎同

重陽

九為陽數其日與月並應故曰重陽

歸邪於終

曆書邪餘同閏月也

玄英

冬為玄英亦曰安寧

南訛

見書經史記作譌漢書作偽索隱作為

元辰

也 善時

凌朝

也 侵晨

滄涼

桓譚新論 作愴涼

貞期

日也 太平

五行

於天地間未嘗停息故名五行

鐘鳴

山海經豐山之鐘霜降自鳴

揮戈

援戈揮日返三舍 魯陽與韓日日暮

枝幹

月令章句即天干地支 後省文誤書于支史記

堯崩年

異苑曰晉太康二年南州人見二鶴語曰今茲寒不減堯崩年

祁寒

也 祁大

疇昔

也 昨日

瓜時

爾雅翼古人以瓜紀時故稱瓜時

精靈

音靈大戴禮陽氣為精陰氣為靈

朱明

夏也夏氣赤而光明爾雅

盲風

蓼風也月令章句

兼辰

兩日也下貧無兼辰之業

頻年

漢書比年也

蘭時

春時也

陽藟

太玄經陽藟萬物與煦煦同

黃昏

又昏黃

靈辰

善時也

花朝

提要錄以二月十五日春序正中百花競放遊賞之時也

西成

西屬秋謂萬物秋而成也

炎輝

炎輝熱氣也

三朝

謂正朝也歲之朝月之朝日之朝是也

韶華

韶美也春色謂韶光取暢之義

清明

萬物齊乎巽巽潔齊清明乃潔齊之義

闕逢

闕音焉爾雅大歲在甲

浚汗

汗灘同大歲在申

一月

地皇氏定三十日為一月

萬籟

吹萬物有聲曰籟

景晷

日光曰景日影曰晷

大族

正月律名律歷志作大族

溽暑

溽音濡又音辱同六月土潤溽暑濕熱也

晷爽

晷音昧又音忽將曉也郊祀志作晷爽

玉燭

爾雅四時氣和為玉燭

宛暘

宛讀作蘊暑氣也荀子書夏不宛暘

猷旦

荀子猷掩也夜掩於旦謂未明以前也

栗烈

詩氣寒也寒氣凜冽使人戰栗韻學作栗列廣韻作颼颼

七政

日月五星也

水渴

渴竭同天根見而水渴爾雅天根氐宿也

五夜

甲夜乙夜丙夜丁夜戊夜又云五更

曉箭

言如箭之疾

上日

書正月上日注朔日也

旱暵

暵日氣乾也

歲首

正月為歲首定於漢武帝太初元年

薄午

上音剝迫近也

百六

曆律志凡四千六百一十七歲為一元一元之中有九度陽厄五陰厄四初入元百六歲有陽厄故曰百

六之會

夏至

蔡邕獨斷夏至陰氣始

古今考略 甲子 三

甲子 絳縣老人曰臣生四百四十五
甲子矣師曠曰七十二年也

王氣 王於況切興也太元
經曰五行用事者王 午夜 半夜

穀熟 又作 酷 早夜 史記 蚤夜

四運 文選四 時也 一稔 一年取穀 一熟也

上巳 毛氏曰陽氣生於子終於巳者巳也俗以有鉤
挑者為終巳字無鉤挑者為辰巳字未知字義也

一昔 一夜 往昔 前代 也

晻曖 暝色 也 曩昔 嚮日 也

晚晚

貌 日落

伏臘

夏有三伏冬有臘故稱伏臘

鄉午

上音賞 少也

昱日

明日也俗作翌乃與職切

乏月

四月也各谷既盡宿麥未登

歲惡

年穀不熟也

洊歲

再歲也中產闕洊歲之貲

子夜

古樂府半夜也

一紀

十二年也

令日

令善也謂吉日也

既望

十六日也哉生魄亦十六日也

處暑

處上聲止也息也謂暑氣將止息也

病月

爾雅三月為病月

日仄

日晚也

月額

初一

孟陬

陬音指正月為陬寅位之月

薄暮

逼晚也

積紀

十二年曰紀二紀外曰積紀

刻漏

缺漏箭以候日晷

寸管

寸管下係係何也謂插向地中以候氣也

五子

律歷志有六甲辰有五子六甲之中惟甲寅無子故有五子

雨水

前此為霜雪立春後天氣下降為雨水

日者

往日也

穀雨

言滋五穀之種也

小滿

代謝

來者為代去者為謝

爽籟

秋晚之爽氣發於萬籟之鳴

四五

古詩三五明月滿四
五蟾兔缺四五二也

白露

秋屬金
金色也

令節

秦人以令食為熟食不動
烟火預辦熟食過節故云

比歲

比頻
也

湫暑

湫喝同
暑也

素節

秋也
纂要

暴布

禮記仲夏母暴布不
以陰功干太陽事

旦日

謂明日日
中時也

炕陽

炕旱

通作
亢

精禊

禊音浸謂陰陽氣
相浸漸以成災祥

鬱隆

鬱蘊同
暑氣也

天吏

淮南子四
時天之吏

三始

正月朔為歲朝月
朝日朝始猶朝也

三伏

金畏火故至庚日必伏蓋庚屬金也從夏至後第三庚為初伏四庚為中伏立秋後初庚為末伏

沍寒

沍音涸固陰沍寒

年號

古無年號始於漢武帝之建元元年

分至啓閉

春分秋分冬至夏至啓立春立夏閉立秋立冬

正月

始皇名正讀正如征

端月

正月也避始皇名故云

昕夕

昕音欣旦明日將出

平秩

馬融作平秩

陽月

十月純陰疑於無陽故謂陽月陽不可也

景戌

丙戌也唐世祖諱昞避其名故改丙作景

季商

季秋也一曰暮商一曰杪秋

旬浹

旬十日也浹周徧也十日干一周

乖刺

刺音棘謂陰陽不調順也

提月

公羊傳提月月邊也

又正月

四月乃正陽之月也建巳之月純陽用事

亭毒

毒音育亭以品其形毒以成其質俗作毒字誤又作倬毓

元年正月

人君即位欲體元居正故不言一年不言一月

陽九

一元之中有五陽四陰陽旱陰水九七五三皆陽數也故曰陽九之厄

孟陽

纂要正月為孟陽又為孟陬又獻歲

亞歲

冬至受朝賀其儀亞於歲朝

長至

餘冬序錄云仲夏之月日長至仲冬之月日短至今世稱冬至為長至非

冬至

至有三義一者陰極之至二者陽氣始至三者日行南至冬至陽氣起君道長故稱賀

寒食

荆楚歲時記冬至一百五
日有疾風甚雨謂之寒食

塵世

續仙傳儒謂之世釋
謂之劫道謂之塵

浹辰

周禮天官自子
至亥十二日也

鼃夕

鼃朝同嚴助
傳鼃不及夕

晰明

又作質明
假借也

縣羊磔鷄

磔音翟正旦縣官縣羊頭于門又磔鷄覆
之草木萌動羊齧百草鷄啄五穀殺之以

助生

氣也

通昔

通宵
也

麥秋

月令章句百谷以生為春
熟為秋故麥以夏為秋

六更

開元遺事宮漏有六更君王得晏起

三正

三代子丑寅月

笙寒

笙作篤笙寒隆寒也

駿驅

日行空虛如駿馬之馳驅

亭午

亭至也杜詩

白藏

梁元纂要秋曰白藏氣白而收藏萬物也

日未靡旃

文選言日未移旌旗之影所謂不移時也

祝融

三禮義宗火正曰祝融祝甚也融明也夏時物氣甚明也

年所

所數也文選多歷年所

端午

又作五學林午五通用

姑洗

洗音銑沽故也洗新也季春陽氣春陽氣生去故就新

夫遂

周禮司烜氏以夫遂取明火於日夫音符陽遂也

禁烟

介子推隱山中文公求之不得焚其山子推死公哀之禁烟三日

再祺

祺亦作暮溫彥博傳不逮再祺矣

清暑

猶避暑也

大昕

季春朔日

三五

謂十五日也禮月三五而盈

有來

文選有來豈不疾歲暮賦年有來而棄予

方輿

輿煖也詩日月方輿

元巳

上巳也選麗日屬元巳

履端

正月為端月左傳履端于始

涼燄

抱朴子曰火性熱而有蕭丘之涼燄康節云有溫泉而無涼火蓋有之矣

友風子雨

風與雲並行故曰友雨因雲而生故曰子

六辰

五行志蜺直而塞六辰從卯至申也

詰朝

明旦也

標季

谷永傳當陽數之標季陽九之末季也

比登

年穀頻熟也

一半冰

李陵傳作半冰師古曰半讀曰判大片也

良月

侯鯖錄數始于一終于十月就盈盈滿為良也又曰暢月

消息

陽生為息陰死為消

正朝

玉燭典寶以正月初一日為正朝

吻昕

吻音昧昕音欣初明時也

九春

陽數九故云九春

九秋

五行曆云一月為三秋故三月為九秋

末垂

謂六月將盡之時

未央

詩夜未央注央中也

東作

東屬春謂春而有所事於田也

宴溫

見漢書又封禪書作燕溫

作諮

見天文志史記作噩正韻注注作鄂

渠央

渠遽同言未便至夜分也

更點

今之更點擊鉦唐六典皆擊鐘

滄熱

滄寒也周書天地之間有滄熱

春秋

六書本義注作曹𤇗

明發

注疏從明而至夜則地闇至旦而明則地開發

地理類

武當

即太和山也謂太和形勝惟
玄武足以當之故曰武當

徂徠

山名詩
作徂來

歷觀

舜所耕歷山
謂之歷觀

九嶷

山名郡國志
作九嶷山

太乙

五經通義終南
山一名太乙

嵩高

中嶽白虎通曰中央之嶽獨加高字
者中央四方之中可高故曰嵩高山

恒山

北嶽避文帝諱改名常山
後五代高祖改恒山

華山

音化作華西嶽述征記華山與首陽本一
山河神巨靈擘開以通河流故掌跡存焉

泰山

東嶽博物志東嶽一名天孫言為天帝之孫五經通義一名岱宗王者受命易姓告代于岱宗岱者代也

東方物始。又為四岳所交代之處。宗故曰岱宗

衡山

南嶽○岫嶠音矩縷山海經衡山名

崧嶤

音踊竦上下眾多貌

骨母山

胥母山也古字胥作骨其字似骨故誤作骨

大伾

伾音批伾同書至于大伾

崇山

南裔也

慈姆

下又姥同山名

羽山

東裔也

圓嶠

渤海之中有壑其中山曰圓嶠列子作員

石鍾

彭蠡有石鍾山夜靜風起其聲如鍾

哈嶠

山貌

嵒崿

山高

孱顏

山高貌

山椒

椒山頂也文選悲後響山椒

姑射

射音乙山名在海洲中

二酉

藏書山名

嶺表

五嶺之表也漢又作領

雅娑

山高貌

終隆

隆南同山名

空同

莊子又列子作崆峒山名又作桐

缶山

又尚書作兪後依山作當塗縣

岢嵐

山名又鎮名

蕭山

初名蕭然山句踐與夫差戰敗餘兵棲此四顧蕭然故名

古今考略 地理 二

苗山

越絕禹封大越上苗山會計更名會稽

峴丘

尼同又作峴丘

九嶷

嶷武紀楚詞通作疑十山九嶷其勢相似可疑故曰九嶷

崇巢

山貌又嶠參嶠同

嶠嶠

嶠音欽山高貌文選舉目眺嶠嶠

丈人峯

即青城山為五岳之長黃帝封為五岳丈人今呼婦翁為岳丈以此

豐隆

山形

我蛾眉

對類又廣韻作峨嶠韻學作我眉

嶙峋

說文又六書注作嶙峋

崕峴

山峻貌

旱鹿

鹿麓同

嶠峭

字林好形貌

岌峩

山高貌
或作嶸

首陽

雷首山也三海朱氏曰首山之南也

琅邪

遁甲開山圖琅邪抱朴子作瑯琊

嶒嶒

山峻貌

奄兹

綱目集覽又直音作崦嵫又確磁又作嶢日所入之山也

縣圃

縣玄同仙山也

沂山

爾雅爲斥山字誤也

狼居須

須胥同匈奴中山名霍去病擊匈奴封狼居須而還

昂藏

山高也

峻狼

冬至日所至之山

天山

一名雪山一名白山一名祁連山匈奴呼天爲祁連

葱嶺

山名山上悉生葱後人據其地自立為王因以名國

圖山

上音垂

靈鷲

又作就山名

嶧隗

音摧顏

隗嵬

隗嵬同山石高而不平也相如傳作魏

嶠嶢

音樵堯楊雄傳泰山之高嶠嶢集韻作嶠嶢

襄山

懷山同

岐嶇

崎嶇同又作崎。又嶇山路不平也。崎

塘嶸

文選注作塘芒

夕陽

山西曰夕陽

岫嶠

六書本義作句婁衡山海經音矩縷

雷礪

礪音郎山崩聲也

沙麓

又作鹿

劣崩

山貌又崩劣

介山

文公懷縣上山中而封子推號曰介山

欽巖

欽香金切巖詐宜切南都賦欽巖山相對韻學作嶽巖

峯峒

音窄額山不齊貌又作峒嶺

崱嶭

崱在結切高峻貌崱又作崱

之罘

罘音浮山名

崎嶇

音綺嶇高峻也

天孫

博物志太山也言為天帝孫也

惠山

或曰慧山

四明

山有四門通日月星辰之光故云

嶮巖

巖危也

天台 赤城山高一萬八千丈上應台星故云天台見洞天福地記

峻崦 山貌
厓屨 音垂移謂山峯屨巖也

崩施 音里已山卑長貌楊子觀東嶽而知衆山之崩施又敘傳作邐迤

窮岡 深山也
負尾 負音陪山名

昧谷 日入處
岬嶇 音皮啼險高貌

文山 文岷同
嶰谷 嶰亦作解谷名

嶻嶭 山高也又作嶻嶭又集韻作峴峴
萃峴 山貌亦作嶻

三名

西裔也山有三峯故名危尚書作名从人
在山上唐明皇易以危字又作危又峴

驪山

三輔故事又始皇紀作酈
山三秦紀黥布紀作麗山

峭崿

高峰也

嶒峩

山貌又
嶒嶒

嵒嶙

山相連貌

陁隄

山中曰陁
山嶺曰隄

嵒嵒

厓厓嵒○又音
嵒皆同截齧

累嶰

海篇作
累嶰

萃律

山高聳貌
又作律

噴岈

音攢完
峻險貌

截嶰

西京賦又韻
會作嶰嶰

蹇嶰

文選山屈曲貌
楚詞作蹇產

終南

山名舊名中南天之中都之南也

二別

大別小別二山又作嶺

日觀

山名鷄一鳴時見日秦觀望見長安吳觀望見會稽周觀望見齊西北

天池

莊子南溟者天池也

四海

東九夷北八狄西七戎南六蠻

五湖

太湖別名以周行五百餘里故名

三川

河洛伊

汨羅

汨水在羅故云今屈潭也

敦海

敦海敦勃同海旁出為渤

濫泉

漏出也詩檻泉

歸墟

列渤海東有大壑其下無底名歸墟又虛

潏沆

大水

潏潏

水急

汎濫

汎音軌或作汎誤濫通作檻
汎泉穴出也檻泉正出也

浹渫

文選長波浹
渫龍龕作灤

湑派

水流貌

瀚海

地皆沙磧若大風則行者
羣鳥解羽伏乳於人馬相失夷人呼爲瀚海
此故名焉又作翰

星宿

宿音秀
海名

大蒙

尔疋日所入爲
大蒙卽蒙汜也

鰮穴

鰮音秋水經鰮魚長數千里穴居
海底入穴則潮上出穴則潮退

泗水

史注其源有
四名泗水

吳泉

虞淵也

渚丘

音渚尔疋水
中小洲也

涑水

涑音洩
水名

古今考略 地理

旄敦

尔雅旄丘如覆敦者敦丘敦音丁曰反

降水

尚書作降水孟子作洛水古字通用

淇澳

同 澳與

溺水

說文作弱

浦江

後因曹孝女自投尋父屍名曹娥江

牛渚

一名燃犀浦

彭蠡

又作麗澤名

泰液

池言象陰陽之津液以作池也

水泉

唐六典水部凡天下水泉三億三萬三千五百一十有九

巢湖

灤同今俗呼焦湖聲訛耳

潢汙

音橫作黃非

濛汜

汜音祀日入處綱目泛濛汜赴崑崙

行潦

音杭老道上無源水也

瀧水 瀧音雙

蘸水 上音贊

跳沫 跳平聲水波急馳白沫跳起也

滲瀰 音淋離流貌澤滲瀰而下降也

虞淵 崦嵫山下有虞泉日所入也

崩波 猶奔波也

沈薈 薈古災字洪水為災

千頃陂 陂音悲波同史千頃陂

合淝 淝地名夏水至此與淮合故云

盜江 烏江同

三河 黃河折交河湟中河韋昭曰河南河內河東

海陽 陽島同海中山有依止曰陽

三江 浙江荆江松江

四寶 寶瀆同四寶謂江淮河濟也

三泉

小數之終言深也極深
為九泉古曰結惟三泉

滴水

即今沈水蓋字或从次與
沈字相似俗因名沈水

湔泔

大水

汀潭

污水也

回谿澗池

馮異所戰地

鼎潭

淵謂之鼎潭

湔水

湔音筵字林
水暴至聲也

瀾猗

爾雅又輟耕
錄作漣猗

疏瀹

又瀹
同

澗池

又作
黽

湔瀑

湔音學瀑音
瀑水沸聲

湔沸

湔詩作霽霽
沸泉出貌

灞水

古曰滋水呂氏春秋太公釣於滋水是也秦穆公更名霸

淫鬻

音艷育水永又策膾作艷溪谷之間也。頽又淫豫

汜水

漢高祖卽位於汜水之陽音泛

盧維

音雷雍按職方兗州其浸盧維

東流

衆水皆東而弱水獨西墨水獨南

湍悍

湍水之急流其勢勇悍也

朝夕之池

潮有朝夕之期故吳都有朝夕之池

紫海

杜陽編南昌國有紫海其龍魚龜鼈砂石草木無不紫

靈沼

關中記昆明池曰神池靈沼

大壑

海也

御水 水入宮苑 爲御水

灝漾 灝音浩漾弋少切水無涯際貌

孟諸 宋藪澤名書 作孟猪又猪

原泉 源泉

裨海 四海通 曰裨海

呀周池 呀音蝦大也城下池周遶而大

森漫 森音眇吳都賦滇泐 森漫竝水流廣大貌

汀滢 韓文 作滢

澆澗 音讒浞水聲又 遊鱗出沒貌

鴻泉 洪水也 古文苑

滹池 蜀都賦滹音 慮蓄水池也

皐澤 澤畔曰皐 有水曰澤

彭湃 漢書波相戾也湃蒲拜切 史記作滂潰彭又作澎

具區

太湖也

渺瀰

音沓水遠也

迴繚

繚音了文選川澤迴繚繚遶貌

漳滏

二水名漳水冷滏水熱若出於釜故名

浩沔

沔音翰文選河汾浩沔而皓滏水大流貌

姑餘

海也文選若咆渤解與姑餘

湫涓

小水也

濇汨

濇音密水去疾也

汙汙

水沸熱也

海澨

海畔也

洎流

古魄字淺水貌

漏河

陳寵傳淫雨漏河漏溢也

池沼

圓曰池方曰沼

膠瀉

水廣也一曰水名

徒駭

溝洫志九河之名有徒駭言禹治此河用功極衆故人心徒驚駭也

崩塌

大波相激聲

倉海

倉滄同古賦東燭倉海

汭坻

周禮音遂羽水外也詩經作芮鞠

潺湲

音纏袁水聲

榮波

波音播書榮波既緒

冲融

水深廣貌

滉漾

韻學相如賦作潢漾

北冥

冥溟同莊子北冥有魚化爲鵬

水頻

水厓也又云俗作濱者誤今皆作濱而頻皆頻數之頻矣

濫觴

泛濫小流貌觴酒盞謂初發源小如一盞

褭斜

二水名褭谷南口曰褭北口曰斜

濡水 上音九

尾閭 見莊子又廣韻作湍濶泄海水出外者

湑淥 水沸貌

空明 秋水清見底月在水中謂之空明

汜濫 汜洗同

汜長 汜流同荀子其汜長矣

溟海 員海水色正黑謂之溟海

汶領 卽岷嶺用古字耳

水本 水本曰源源曰泉正直上出曰檻泉從上流下曰下泉湧出曰瀆泉側出曰軌泉出同歸異曰肥泉異出

同流曰瀆泉爾雅

湍淥 小水貌

滹沱 河名又禮記作虀池秦詛楚文石刻以亞駝代滹沱○滹又作惡

地

東西二億三萬三千里南北二億三萬一千五百里
禹所治東西二萬八千里南北二萬六千里又云南
北相去一億二萬三千五百七
里二十五步東西短四十步

園丘

園圓同
祭天所

寰內

寰古縣字天
子封畿內縣

神州

王者所居
地曰神

華夏

夏大也中國
文明之地

天府

府聚也萬物
所聚之地

京師

京大也
師衆也

邦國

周禮大曰
邦小曰國

提封

舉其封疆
內之總數

京邸

邸至也所歸至
也逆旅爲邸

方內

四方
中國

莊馗

下音求九交之道也又作馗音達九達道也二字同義異音今人不識皆從首誤

斗城

漢元築長安城南為南斗形北為北斗形因呼斗城

藥丘

地理志縣名春秋作乘丘

馮翊

上音平郡名取又如依馮輔翊之義字

陝隘

詩魏地陝隘又作峽又作狹

沭陽

上音述縣名

封內

封疆之內

故湫

秦詛楚文石刻故湫作久湫故久古字通用

六幕

六合也

三楚

漢書江陵為南楚吳為東楚彭城為西楚

四極

爾雅至東泰遠西邠國南濮鈇北祝栗

六極

天地四方也

四奥

音燠地理志作四奥音同又作奥四方深遠處

四履

東西南北四境之內綱目四履所治

三秦

章邯司馬欣董翳封三秦王

三齊

右卽墨中臨淄左平陸

三輔

右扶風左馮翊京兆尹

百二

秦地險固二萬人足當諸侯百萬人

方輿

宋玉賦方地爲輿

十二

文選齊得十二齊負海之險以二萬敵十萬故云

奠位

太玄經天地奠位

張掖

古隸作長

三壤

纂要云上中下謂之三壤

百雉

方丈曰堵三堵曰雉

千畝

地名遼州境多山惟此地高平廣千畝故云

鄆城

音演縣名

陸海

漢書關中號陸海書其所產之富雖在陸地如海也

開阡陌

開者破壞剗削之謂非開創之則也東西為阡南北為陌

砥柱

砥柱山禹鑿以通河河水分流包山而過山見水中若柱然故曰砥柱

又作底底音繼

町疇

廣韻作町疇切緩

女陰

與汝同

孔道

要路也

陳畱

畱鄭邑為陳所升故曰陳畱作留畱並誤

甌窶

韻會高地狹小之田也

磁州

又作磁

峽岬

太玄經
山足也

汶陽

古碑作
文陽

淵客

鮫人居淵水中
出人門賣綃

函夏

函谷關之東為中
夏故曰混一函夏

鄠鄠

關中記又反質篇作豐鎬初學
記作澧澆豐周邑名鄠周京名

上游

游或作流漢文
據六合之上游

傒徑

月令塞傒
徑傒蹊同

恒衛

書史記
作常衛

嶠岫

漢文又肴函
同又作穀同

梅根冶

或作梅根野
又作梅根渚

沃野

沃灌沃也言土壤
廣遠有灌溉之利

形勝

地形險固
故能勝人

胥井

胥音淵枯井也陳後
主投井一名辱井

堵陽

音者縣名
又作者陽

棘道

地名音北
禹所生地

胸臆

音瞿閨蟲也巴郡多此因取邑名又
云胸臆縣名从肉考其義當作潤蠹

揚州

江南氣燥勁厥惟
輕揚故曰揚州

塾敦

音毛頓
小丘也

雍州

音用

幽州

北裔
也

朽壤

左山有朽
壤而崩

鄒嶧

山名地理
志作騶

曾阿

曾重也阿大陵也
文選白雲屯曾阿

函秦

秦有函谷關恃以
為險故曰函秦

取慮

上音鄒
縣名

區丘

二字其音不
別今讀則異

賁禺

音潘餘
縣名

鮮原

善原也

柱軸

地有四柱三百六十軸

溜澠

水經注作繩

蕩陰

音湯

云云

地名在梁父

昧谷

尚書謂日所入處冥昧之谷也伏生尚書作昭谷昭與昧同古今不同耳徐廣注為柳谷後轉而為柳穀

而附

頃丘

地名爾雅丘一成為頃丘謂一頃而成入敦丘

會甚也

黽阨

黽作冥阨作隘淮南子曰天下九塞冥阨其一焉

九畿

侯畿甸畿男采衛蠻夷鎮蕃畿

繁峙

峙音止縣名

鄴邱葵丘同

於潛縣名今作潛

毋野毋通作牧武王與紂戰于毋野

飛谷日所行入道也

淞江淞浙同折者折也水勢曲折故曰淞江又漸江地理志浙江也

衝關衝潼同通典云本衝關言河衝激華山之東後因有潼水又名潼關

龍允下音奪趙地名

潯陽地名伍被傳作尋陽

滎陽郡名史漢作滎陽

井伯益作

汧頭山名地理志作汧又笄

殊樓音殊樓縣名

句吳

句音勾發語聲
荆蠻歸國之號

晏峒

地名在單父峒字王
篇不載亦水島類也

於越

胡傳於發語辭越粵同少
康封無餘於越又于粵

葭明

明音萌
縣名

銅陽

銅音紂
縣名

井渫

屈原傳
作井泄

成皐

郡國志皐
皐同地名

菟裘

菟音徒
魯邑名

筠州

宋避理宗諱
改爲瑞州

圮橋

圮音怡从已矣之
已與圮字不同

枹罕

音夫謙
邑名

召猶

上音求
邑名

雲夢

夢同周禮作雲
夢職方氏音忙

邛棘

从束音窮蜀夷也从人不从火

蓮芍

縣名音輦勺

關中

三輔東有函谷關南有嶢關西有散關北有蕭關居四關之中故曰關中

解惠

縣名漢書作得

曲紅

紅江同縣名

陲隗

高也

姑妹

國名公羊穀梁作妹亡結本作姑蔑

白帝城

公孫述據有蜀土以殿前井有白龍出因自號白帝改魚復縣曰白帝城

冤句

縣名句音劬

須句

句音勾

會稽

名茅山禹會諸侯計功名會稽

隱弁

高起也音忿莊子隱弁之丘

博狼

狼浪同韻
侯世家

廣輪

廣音曠東西為
廣南北為輪

駘驩

漢書作咸
古縣名

上黨

言其地極高
與天為黨也

子午谷

子北方午南方通
南北道相當故名

荷澤

孔氏書
作荷澤

都輦

京師

廣袤

袤音謀茂延互東
西曰廣南北曰袤

又度運東西為
廣南北為運

城版

廣二尺
曰版

裴縣

音肥

儋州

音丹

甫草

詩東有甫草
詩東有圃草

石頭城

孫權作石頭城徙治秣陵改號建業晉改業曰鄴又改建康

邾陽

縣名漢書作未

冀州

冀與同書禹貢冀州

下馬陵

董仲舒墓人過者多下馬因名下馬陵後轉語名蝦幕陵矣

高郵

秦罷侯置守因高以置郵故名邑

采地

采音萊采官也因官食地故曰采地

百雉

都城百雉雉守死而不犯分有自衛之道故以名城

九服

各去其外方五百里每邊四千五百里四面相距一萬里謂之服者責以服事天子為職也

部婁

左傳又春秋傳作培婁左傳部婁無松栢又培婁又作附小阜也

語兒

句踐勝吳更就李爲語兒鄉作禦兒非

縣瓠

瓠護同
城名

笙瀆

索隱曰鄒誕生本作莘瀆瀆音豆左傳作生竇地名

萑苻

音丸蒲
地名

毋掇

縣名音
無稅

朝邪

朝音邪
縣名

盤互

言盤結交互也互字或作牙若犬牙相交入也

楳社

陳祥道曰宋有楳社楳古梅字也楳社惟見此

宛潭

音婉善
作婉潭

先零

零音連
邑名

陷穽

阱
同

九則

九州土地上
中下九等也

虔亭

上音逞
吳地

棧道

棧閣也今
謂之閣道

蘄陽

蘄春縣晉武鄭
后名春改蘄陽

輿地

地象車
輿載物

積塊

地列
子

井甃

甃音湊易
井甃无咎

疆場

又作
易

壇場

封土為壇
除地為場

犬牙

境土交接若犬牙
銜入謂犬牙相制

櫟虜

縣名富陵王
莽改音朔

大末

縣名至漢
改太末

都會

州縣繁盛
曰都會

幹中

地名通
作黔

褒丘

褒古乘字丘
形如丘乘也

古今考略 卷一 地理

四塞 東有黃河由谷等南有武關礪關等西有隴山
烏蘭等北有黃河謂四塞又云四面皆充實也

界疆 吳饒歌寇賊侵
界疆又疆界
堂谿 吳王奔楚封堂谿
漢有潁川唐溪

喂囁 見海篇正韻作喂礪廣
韻作銀鑄莊子作畏壘

宗周 周之宗廟在豐
故豐曰宗周
墊隘 左久將墊隘謂
雨水而泥濘也

八維 八維四方
四角也
郊畛 畛音真
郊界也

并州 上音
兵
一關市 關衙同楊子
一關之市

空桑 皇甫謐謂廣桑之野或云窮
桑非空桑在東窮桑在西

潘淵

列子水之潘皆為淵注潘作蟠

迢遼

又遼遼同

德水

史記秦滅六國自以為獲水德之瑞更名河曰德水

畎畝

劉向傳畎畎楚詞又作畎晦

阡陌

阡陌阡陌同南北曰阡東西曰陌

啓塞

左傳注門戶道橋謂之啓城郭牆塹謂之塞

雒陽

魚豢典略舊為洛陽漢以火德王恐水滅火故改雒陽光武以後改為雒後魏以土德王土得水則和故

又復名洛陽

抱罕

縣名抱音扶

碣磳

上聲石落貌

丘墟

丘空也墟故城詩升彼虛矣虛墟同

枯土

枯音哀杯同手掬之也史長陵一杯土

胡苑

索隱曰苑馬牧外接胡地馬生於胡故云

胡苑之利

闕地

闕掘同左傳闕地及泉

拙池

拙音掘荀子書溝池不拙

慙國

慙惡也武王征四方慙國九十有九

膏腴

背之上肥曰膏腹之下肥曰腴蓋喻土之饒美者

九丘

丘區也區別九州土氣教化所宜施者也釋名

別墅

田廬也

要害

在我為要於敵為害故曰要害之地

禹穴

蜀之石泉禹生之地謂禹穴後人謂禹穴在會稽而作地志者以禹廟旁小坎為穴誤

連石

連音爛西
北山名

彈丸

喻土地
褊狹也

土吉

吉音腔
土穴也

令居

令音連
縣名

新郛

縣名韻
一作息

周原

岐山之南有周
原故國號周

瓠盧

五代史復古編河名
王綸詩作胡盧又壺

建洽

縣名又
作伶

翠微

山未及上曰翠微凡山遠望之則翠近之則翠漸微
故山色曰翠微爾雅一曰山腰詩陟彼崔嵬崔嵬卽

翠微詩傳授
字各不同

句廉

句音勾師古曰水
岸曲而有廉稜也

赤地

空盡無物曰赤紅也史赤
地千里赤則無草木也

古
黃陽

公孫尼子云舜牧羊於黃陽公孫弘作河

紫塞

秦築長城土皆紫色塞壅塞夷狄也

露田

不栽樹者

濟寧

濟上聲

姊歸

屈原秭歸縣人姊聞原放逐來歸以之令自寬全因其名地曰姊歸秭也

馬邑

秦築城數崩忽有馬馳走周旋父老異之因而築焉乃不崩故名馬邑

丹徒

有王氣使堵衣三千鑿之故曰丹徒

埤溼

卑濕同國語松栢之木不生埤溼

地防

音勒猶脈理也

大梁

上音太地名

丙穴

穴口尚丙

邊陲

又作垂字原作坐

略徇

徇音灼。對類作。橫木橋。略杓。

咀嚕

不齊貌。

地骨

博物志地。以石為骨。

土精

石也。物理論。

反水

讀作翻。

擁竭

又作遏。朝鮮傳作擁闕。

方垂

方四方。垂邊垂。

輪臺

西域地名。

垂棘

四書左。傳作棘。

塚障

小城與堡同。又作保。匈奴傳作葆塞。

居圉

居中國也。圉邊陲也。

幅隕

隕員同。直方曰幅。周圍曰隕。

三垂

東南西三邊。

社壇

壇音位。祭祀之壇也。

啓土

言大開土宇

梁園

漢梁孝王兔園也

黑子

子誌同趙普彈丸黑誌之地又曰如黑子之著面

珠厓

地在海中涯岸之邊出珠因以名郡羣王作厓

城守

守音待城而守之

萬落

落居也人所聚居曰萬落猶村落院落也

酒泉

酒泉郡以城下金泉如酒也

沮洳

沮去聲洳音乳浸濕之地

銅鐵

山海經出銅之山四百六十七出鐵之山三千六百九十

女墻

言於城上窺人也

一簣

律歷志作一壘

道縣

秦漢之制縣管蠻夷曰道無蠻夷曰縣

龍斷

龍隴同

臨胸

下音瞿

竟場

竟是疆界之名至此易主故云疆場

磁石

原磁省作茲山之陽產鐵者其陰必有磁石二物同氣也

鹹澇

周禮注疏作鹹鹵漢志作易鹵河渠書作鹵焉又斥鹵東方曰斥西方曰鹵總之謂鹹土也

邊竟

同竟境

敷土

分別土地以爲九州也

墉地

師古曰墉餘也食貨志田其宮墀地

藩羅

羅籬同

都龐

下音龍

曲遇

地名曲音去

旁薄

又集成作磅礴充塞廣被也
封禪書作旁魄又地之形

莽買

買音浪廣大貌古賦
騰躍乎莽買之野

句𩚑

𩚑音名上
聲𩚑邑名

漆洧

又作潛
又作滑

厥黨

古今人表厥
黨子與闕同

壙垠

音浪莊子壙垠
之野猶曠蕩也

𪚗豕

音彼薦陂
池旁頽貌

隍池

俱城外塹也有水曰
池無水曰隍二名

坎坳

俗作輶軻地不平也
車行不利又作埧坳

菑畬

鄭云田一歲曰菑二歲曰畬三歲曰新田菑災也災
殺草木也畬漸和柔也新已成田尚新也四歲則矣

官度

卽鴻
溝也

諸馮

音平不
音逢

虞郭

公羊傳虞郭郭與號同

戚里

漢制長安有戚里人君姻戚居之

道第

謂草穢塞路

履畝

公羊傳親行田曰履畝

改水

淘井也

涵涌

輟耕錄作涵湧

汗耶

淳于髡傳下地說苑作汗邪

左晉

唐人云左晉之亡由王導左晉江左之晉也

康莊

五達謂之康六達謂之莊

阨陀

直音又史記作坡陀西征賦作坡陀地不平也

駮駮

音叵我崇丘陵之駮駮今駮駮高大狀也

冰天

南海有桂北方積冰故云

錢塘

郡議曹華信立防海塘募致土石一斛與錢一千來者如雲謬云不復取土皆棄而去塘成因名史記唐

池籓

籓音義池中編竹籬以養魚也漢書注籓

峭壑

地勢異也峭峻則難登卑壑則易陟

荒度

荒大也大相度平治水土

都城

古者封子弟之邑曰都城

轅田

國語又左傳作爰古制三年爰土易居謂三年一易以同美惡說文作趨田此為正字

掘地

易掘地左傳作闕地孫子序作掘又作拙又作鉏又作扣

橫由

韓詩東西耕曰橫南北耕曰由

溫源

即陽谷也

影國

禪林附庸也

梁鄒

梁鄒古天子苑田名

石窳

石窳邑名

鄆城

鄆音咨縣名

雍奴

縣名水經四方有水曰雍不流曰奴

有截

截同詩海外有截漢記作截

穴井

穴地之井天所為也鑿地之井人所為也

邾鄆

蘇氏演義一作婁韻學作猪驢又作猪樓

泗濱浮磬

泗水名濱水旁浮磬石露水濱若浮於水然不謂之石者成磬而後貢也

禰禰

韻學音你句山名又作禰拘

銅表

魏文帝一里置銅表五尺以志里數

乙地

漢儀常以乙日祀先農耕乙地

岷岷

字學又作礪砢又作砢

嘆岫

見集成韻學注作嘆源

甫田

詩無田甫田甫大也

土壤

自生曰土所植曰壤

石田

傳曰得志於齊猶石田也無所用之

地訟

周禮地訟
爭疆界也

鳳卵

山海經
作鳳丸

疆槩

槩音檻疆
槩堅也

坤靈

地靈

瓜州

卽燉煌以
產瓜得名

朱垠

卽朱
崖

居晝

劉熙注齊西南有近邑音獲讀晝夜之
晝非水經注有澧水以孟子三宿名

潁川

作潁
非

穹石

大石
也

步道

不容
車者

磽陿

磽瘠也又
石地陿隘

鎬京

鄩同荀
武王以鎬因水
子作滈
爲名借作鎬字

泰塊

見路史又大塊

封父

封父之龜天子之器國名也

崑崙

大荒經山名漢志作崑崙大宗伯注作混淪夏紀注作崑崙

崕窮

直音山形又作鞠窮左傳作芎

沉澤

周禮禁沉澤謂以毒藥沉水令魚蟲盡死

屯留

屯純同縣名

磬礪

大石

濬川

龍龕作容川

陵曾

集韻又正韻作陵曾

八區

蜀都賦八區謂四方四隅也

須句

句音拘地名

屹嶠

屹魚乞切嶠五轄切古賦斷絕之貌

臨平

湖名相傳此湖開天下太平故名臨平

块圪

賦块烏浪切圪烏黠切地勢。又軼。块圪猶高下也又廣大貌。

軼

黃墟

淮南子下契黃墟高誘曰泉下有墟山曹植抱罪黃墟

原隰

廣平曰原下溼曰隰

膠田

燒田而種也

郊隧

郭外曰郊郊外曰隧

藪薄

澤無水曰藪草木叢生曰薄

支郡

屬郡也亦支縣同

硨磲

文選硨磲舟擊水貌

江介

文選介左也謂江左也

京兆

京大也兆者衆數言大衆所在

督亢

地之膏腴者

漫衍

西域贊正韻作曼延

渤澥

列子書海分支也漢文作勃解又作敦澥

案衍

子虛賦案衍壇曼案衍窈下貌

徙縣

上音斯

單父

音善甫縣名

榛藪

大叢曰榛澤無水曰藪

摧隤

摧子罪切隤子水切甘泉賦摧隤林木崇積貌

崢嶸

漢書高峻貌直音作嶸嶸嶸六書正譌作嶸嶸

逶迤

路長貌

邪谷

音爺

懸磴

石橋也文選跨穹隆之懸磴

三墳

文選三墳謂汝墳淮墳河墳也

中牟

一音仲

岹嶢

岹音遞岹又迢高也又作遶

卽裴

縣名漢表作柳裴音非

威夷

長貌西征賦登嶠坂之威夷

涯鄰

文選涯作崖涯鄰水崖間也

要荒

鎮服外五百里曰藩服藩服外五百里曰綏服綏服外五百里曰要服要服外五百里曰荒服

三坵

蓬萊方丈瀛州皆羣仙所居

險阻

孫子書自上臨下曰險自下至上曰阻山

曰險水曰阻韻律作嶮阻

界絕

文選界絕而不鄰謂絕遠而不相近也

翔實

西域傳道里遠近翔實與詳同

王隧

掘地通道曰隧王之葬禮也

豫章

郡名有豫章生于庭中故以名郡

絕飛梁

文選直度曰絕飛梁浮橋也

苴蜀

索隱苴音巴巴郡巴人皆以苴得名卽以苴爲也

九縣

九洲也文選九縣颺迴謂振動不安也九為陽數之極書傳凡言九者皆指其極也如九陵九淵之類皆

可例

推

透遲俱

少留貌

夷晏

文選河海夷晏言不波浪也

桑乾

音干

黑墳

尚書厥土黑墳色黑而墳起肥土也文選雖壅之以黑墳煖之以春日猶不收於枯槁

土宜

土地所宜

透遲

文選舟凝滯於水濱車透遲於山側凝滯

夷更

往來要道也文選蕩蕩夷庚

沈城

已陷之城也

韋鄉

伯益之後封韋鄉後去邑从衣

盛山

音成

披地

披分也

芷陽

漢書縣名呂不韋傳作蒞陽

康崑

又侔嶺

堯塢

堯瘠也塢音覺又音確瘠薄之地

冢

平曰墓封曰塚高曰墳通作冢

江潭

潭音潯水邊也

大唐

此唐時所稱今人例以稱中國者非

鄜州

上音夫郡名

井眉

眉井邊地若人目上之有眉

金堤

金堤言水之隄塘堅如金也

離峯

地理志李冰鑿離峯古堆字岸也胡奮傳作離塹河渠書作離碓

除塗

謂治其道塗也

宅兆

塋域也孝經

沈斥

沈謂居深水之下也斥鹹鹵之地

吟營

音零營深遽貌

漏天

蜀地名古詩地近漏天終歲雨

弄田

弄田謂宴游之田天子所戲弄耳

盟津

師古曰盟讀曰孟都道所湊故號孟津孟長大也

丁零

地名匈奴傳作丁令靈張湯傳作丁令

平谷

谷音預薊州縣名

虹縣

音降在沛

基址

正韻釋名作趾漢官儀作趾

亭障

漢制每塞要處別築為城置人鎮守謂之候城此即障也

九咳

咳同國語九咳之田

城濠

廣韻。玉篇作壕

一鄣

張湯傳居一鄣間鄣為塞上要險之處

國土

土音度出釋典

九野

謂八方中央也文選九野清泰

蒲反

綱目水經作坂初學記作阪

名田

名田占田也各為立限不使富者過制則貧弱之家可足也

微塞

西南為微東北為塞

朱提

提音匙古屬縣名產銀今人稱銀為朱提

扶風

扶助也風化也

梓里

鄉里也

砭碭

見韻府又直音作砭史記作芒又作砭

石瀨

瀨湍水也

殺禰

音兂戶邑名集韻作殺禰

三艘

國名史記作爰

三陔

三重壇也

巴渝

西域傳作俞

處州

上直少微處士星故以名處上聲

坍塌

音攤塌水衝岸壞也

牂柯

華陽國志又初學記作牂牁直音作戩戩又作戩海篇作戩牁

四術

寇蓋蔭四術朱輪竟長衢注術衢皆道也

八寓

八方也

俳側

一作隄

角里

見資暇錄又奇字指迷作角孔氏秘記作祿

四遐

四方也

雲根

雲觸石而起故石為雲根

寓內

天下也

隨州

楊堅去之作隋

橋李

見左傳六書故又地理志又云
作雋又作雋公羊傳作醉就李

中區

中區中國也

秦樞

秦地天下樞

句瀆

地名又山也

波漢

諸侯王表波漢之陽波音波

赤縣

太微疑帝宇瑤光正神縣注瑤光北斗柄星也言匠人上法太微宮以成帝宇觀斗柄以定神州赤縣昆

倫東南有赤非此土聖人不處

波池

波音波又音悲

俟徑

月令又蹊逕同

稷下

齊有稷山立館其下以待游士

邊垂

垂遠邊也

梭人

上數瓦切邑名玉篇作梭

虎牢

七萃之士高奔戎捕虎獻之天子命養於東虞謂其地曰虎牢

什辟

音斗僻鹽鐵論割什辟之縣縣之斗曲入匈奴界者

萬國

禹會諸侯王帛萬國商三千余國周一千八百然禹五服才五千里以萬分之每服得國二千每國得半

里不應如是之小

孟諸

左傳河名王海作盟豬

復隍

言城復于隍也

鄆城

上音絹

剛鹵

剛言地之堅鹵言地之潤

踰領

領嶺同山道也嚴助傳輿轎而踰領

欽岑

海篇又吳都賦作礪磻

一成

左傳少康有田一成方十里

崇期

爾雅路八達
謂之崇期

獵閭

顏氏家訓獵閭
村舊是礪餘聚

終畝

國語王耕三推之庶人終于畝
文選若終不不稅則國用靡資

盤廻

韓文又海篇作
盤洄又作回

亢仇

顏氏家訓亢仇城舊
是礪仇亭礪武安反

仇音

諸夏

諸夏中國之諸侯夏
大也言大於四夷

𪔐𪔐

見韻會又上林賦作
𪔐呀文選作烱爛

𪔐𪔐

又作胡洞
又作𪔐洞

分陝

召公周公受分陝之任陝以東
周公主之陝以西召公主之

都邑

凡邑有宗廟先君
之主曰都無曰邑

淇厲

岸危處曰厲
詩在彼淇厲

桔耕

謂麓惡不精也
荀子桔耕傷稼

東田

天子耕於東郊東
方少陽農事始起

樂野

吳越春秋越王
弋獵處曰樂野

大荒

日月所入之地言遠
也杜曲拔劍擊大荒

霸上

後人
作灞

埴井

莊子埴音
坎壤井也

規土

規畫
也

劣崩

山連貌
又崩劣

十洲

瀛一名環洲云長元
流元生組鳳麟聚洲

九州

冀兗青徐楊荆豫梁
雍也○舜增幽營并

為十
二州

敦煌

見韻會六書故作燉
廣韻作燉張蹇傳作焞

天邑

天子之
邑也

唐基

言漢以堯
為基也

乘衰

淮南子水乘衰而流註衰下也

大折

方澤之形四曲折也

內郡

秦漢之制中國為內郡緣邊障塞為外郡

蹕林

匈奴會祭所也

天苴

苴音巴又音包益州地名

豸氏

音拳精代都縣

康居

居音渠

利準

考工記讀作水平

容畎

容音同

東叒

叒鄰同敘傳東叒虐而殲仁兮

邳沂

沂音銀賓戲受書邳沂

倭遲

詩周道倭遲遠也

莽蒼

莊子音義近野也

隄隄

不平也

樂浪

音落郎
邑名

三島

扶桑島蓬萊
島崑崙島

鉅鑣

罷名鑣漢
書作鹿

都鄙

都訓美鄙之也淮
南子始于都卒于鄙

衿帶

杜篤傳關梁之險多所衿帶
衿帶衣服之要故以喻之

秸服

秸藁也服藁
役亦作戛服

奧區

奧深也秦地險固
為天下深奧之區

曲阿

吳地記錄太史言東南有天子氣在雲陽間
於是鑿雲陽之山岡曲之曲阿今之丹徒

紆軫

猶盤
曲也

奔沙

即流
沙

沙漠

又幕同沙
土曰幕

邏些

舊唐史城名也正韻
注作邏新史作娑

臨淄

見戰國策水經注
作菑地理志作淄

方儀

地也

嶢巖

輟耕錄又說文作𡵓
巖字學作𡵓巖陸買新語作嶢崑

地軸

地有三千
百軸海賦

柔祗

地也
月賦

緱氏

上音溝
縣名

太冥

北方陰地
故曰太冥

葉縣

上音
攝

岑嵯

韻學甘泉賦作嵯嵯
又參差山不齊也

丹冥

南方
也

坎窞

又坎
飲

潮汐

見高麗圖經又六書本義
作溥夕朝曰潮汐夕曰汐

江靡

江邊也

句扇

縣名又作漏杜詩遠慚句漏令

江潯

江潯江之深也

緇塵

言緇黑之塵也

霧埃

塵也

市井

一井之地以二十畝為廬舍為市以交易

啣嘈

音勞曹深空貌

啓疆

啓開也開拓其疆境也

郊榷

榷音最澤也禮記麒麟在郊榷又藪同

三越

吳越南越閩越也

黍谷

北史淹中稷下八儒三黑之異漆園黍谷名法兵農之別

嵎峴

見海篇史記作禺鍤列子作隅夷堯記作郁夷日出處

偃豬

地 下濕

陸梁

史記作 奎梁

有庠

庠 昇同鄒陽傳封象 有昇括地志作鼻

墜塏

廣韻地高明處 左傳作爽塏

令支

縣名 音連祈

四鄙

四界也

竟界

疆土至此而竟 也今文作境

畺地

周禮畺 疆同

委巷

禮記即 隘巷

出塏

史記出 塏乃免

坑塹

又作 塹

聯城

劉寬碑 作成

方城

古萬城古字萬亦作万万似方故訛互水經注作 万城唐勒奏士論曰我是楚也疆竟萬里號万城

雜厝

厝古錯字地理志五方雜厝

焦穫

穫音護地名

敝邑

弊同

衰城

衰音娑以草覆城也

雉堞

說文作堞以白堊之故曰粉堞

曾泉

曾重也

午道

鄭玄曰一縱一橫為午謂交道也

西夏

西夏長安也

習坎

重險也

九牧

九牧謂九州也

九有

九丘八索九丘即九有也八索即八澤也見淮南子九有見詩又作九囿九有九州九藪一也有囿字相近

牧田

周禮有牧田謂負郭田也

藪州音相近

九土

柳文九州也

三戶

三戶亡秦三戶津名後項羽果渡三戶津

破章邯邯降羽秦遂亡

區寓

鄭注丘即區寓即宇陸士衡詩作丘宇

扶輿

佳氣貌

埤下埤汚

與卑同

閩鄉

音聞縣名作受非閩字宜作閩訛作受

雲夢

音忙周禮作薈

沃衍

沃水之灌沃者衍地之平延者

盤屋

音周至水曲曰盤山曲曰屋縣名

金湯

金者城也喻其堅湯者池也喻其沸

島嶼

海中山曰島海中洲曰嶼

谿谷

宋均曰有水曰谿無水曰谷

麗水

韓子云荆南麗水之中生金

宮室類

紅門

人有文明之象
故儒學紅其門

螭頭

音癡作
離音誤

椒房

皇后所居以椒塗壁
取其溫且蕃衍也

東宮

震爲長男東屬震
故太子立宮東方

麇廡

麇音黎
綺窓也

丹墀

墀同典職曰以丹
漆地故云丹墀

青蒲

以青規地曰青蒲
非皇后不得至此

旗亭

市中
樓也

蕭牆

蕭肅也人臣至
此加肅敬也

廷中

廷音定郡
府廷之中

茅茨

以茅覆
屋曰茨

芭籬

又作
芭犁

南宮

漢建尚書百官府曰南宮舊註謂禮部非

蒿宮

周時德澤盛蒿大以為宮柱

黃堂

吳郡太守堂因數遭火患塗以雌黃故名

阿房

阿近也近於咸陽也房音傍

闐闔

音因都城臺也

橐街

陳陽傳縣頭橐街街名蠻夷邸

茶窠

僧寺茗所曰茶窠窠小窓也

芳鄰

謂里有賢人

雙枚

重梁也

彤庭

即丹墀也

巖郎

羽林郎宿殿陛岩下室中故號巖郎或作廊非與巖廊異義

芸臺

祕書監名芸臺芸香辟止魚蠹故名

瓜牛

蝸也廬小如蝸也

屠廡

草庵也又平屋也一作屠蘇

蝸居

屋形如蝸壳之圓非言小也

堦除

自下而上亦更改之義

璇題

璇玑同題頭也櫨椽之頭以玉飾之

東廂

又作箱

公衙

字本作牙訛為衙王之爪牙故軍有牙旗

芳塵

石虎起樓四十丈春雜寶異香為屑遇風揚之名芳塵

南牙

牙與衙通

菟裘

音徒求別邑之宮室也

巖廊

巖峻之廊

高華

謂高門華族

牙城

古者軍行有牙尊者所在謂牙之城即內城也

凌陰

凌音另凌
陰冰室也

垂堂

垂堂坐堂外
邊恐墮地也

楓宸

漢前殿多植楓樹
故朝廷稱楓宸

銀床

唐人以井
欄為銀床

羊溝

羊喜觸抵墻垣為溝以隔之故曰羊溝中華古今注
作楊溝植高楊於其上也一曰陽溝陰溝水入地潛

行陽溝水出地
顯行又曰央溝

衡門

橫木為
門也

堂

堂者當也當正陽
之屋自黃帝始

離宮

天子出遊
之宮也

房

房者方也室內之方正也
又防也防風雨燥濕也

亭

亭停也四面無
壁人所停集也

沙堤

唐凡拜相府縣載沙
自宮城至第名沙堤

柴門

讀作寨字本作
砦釋文籬落也

三雍

三雍注謂辟
雍明堂靈臺

王庭

單于穹廬前地
若庭故曰王庭

祁虎

虎音斯
晉宮名

陽臺

高唐之臺宋玉所賦者
言其高出雲之陽故名

南端

正南
門也

周廬

班固傳宿衛之
廬周于宮也

宣防

史記防
作房

虞庖

門關戶扇也古有虞
庖之歌又剡移同

增成

後宮之舍
健仔所居

譙樓

又巢樓
言高也

公車

公署
也

門畿

畿音祈門內曰畿一
曰門閭一曰門限

音央辰央中
央振屋柁

諸校列坐堂皇
屋無壁曰皇

湯所受命之宮也

皮 比音

卑曰垣
高曰墻

廣韻作櫛
漢書作籬

青規天子內庭以色
規之而諫者伏其上

單謂寒也

櫳檻階也
又窓也

冬煖
閤也

曾層同相如傳入曾宮
之嗟峨楊雄傳作增宮

有窮之門

也窓

開然

音烹閉門聲俗作闔然誤

匏居

賈遠注曰匏居高臺名

招提

古佛號故寺稱招提或云拓提作招誤

謬門

別門也又云曲榭也

琴堂

宓子賤治單父鳴琴不下堂而單父治呂氏春秋

呆愚

音浮思以黃絲爲繩及階張之視朝則捲朝罷復設此呆愚之遺制也唐文宗甘露之變出殿北門

裂斷呆愚而去周禮篇作浮愚

宣室

宣音旭天子齊則居之

丹陛

陛階也以丹朱淹泥塗之

青瑣

刻爲連瑣文而青塗也宮禁門飾

槐栢

連簷

東觀

漢聚書之所

省中

禁中也言入此中者當察視不可妄避元后父名改省中

石承

礫石也書大傳當柱下而已不外出以爲飾

掖門

在兩旁若人之臂掖也

駘蕩

宮名言春時景物滿也

排闥

排推開也闥宮中小門

萑陽

萑音倍秦宮名

蚩尾

蘓氏衍義蚩尾水之精能却火災故置於屋上倦遊祿魚尾卽蚩尾類要曰有魚似鴟卽蚩字之訛椒園

雜記螭物立於屋角又訛爲螭也

仙木

造桃板著戶謂之仙木山桃百鬼所畏

置郵

驛也風俗通曰漢改郵爲置者度其遠近之間置之也

木天

夢溪筆談秘書閣下穹窿高敞謂之木天

魚鑰

蓄錄門鑰必以魚者取不瞑目守夜之義

游樹

邪相撐柱之柱也

民社

諸侯封國有土則有民故曰民社

棘門

戟同以戟為門

朱邸

諸侯王朱戶故曰朱邸

幔洑

音曼求亭名

闐闐

市垣曰闐市門曰闐

闐闐

宮中相通小門也

閨閣

小門曰閨小閨曰閣

胡洞

巷道名胡洞字書不載或作衡衡又徯徯

黃閣

以黃塗門謂之黃閣

臺榭

積土四方為臺臺上起屋為榭

黔突

黔黑色突竈突又作爨

關鍵

又作鍵關即今門樓管即今鑲
筒鍵即今鑲鑄簫即今鑄匙

逕庭

隔遠貌

僑寓

旅寓而居也又寄同

液庭

王莽傳液庭膝未充
液掖通用也又腋

構櫨

說文構櫨梁也
王莽傳薄櫨

環紐

即古金鋪北
方渭之屈戌

鉤弋

趙婕妤手可反屈
如鉤故以名宮

街彈室

洞名鋤漢名街彈之
室即今申明亭也

除館

除治也

間館

間讀
曰閒

西弄

宮中別道如永巷之類
弄蓋街字之轉音耳

北司

官寺為北司又北門唐分宰相為南司故稱

闕門

闕音委關也

黃闕

輿服志

毘率

率律同宮名

圭竇

穿壁為戶上銳下方狀如圭也

鉤盾

宦者近著

間架

每屋兩架為一間

方丈

王玄策過淨名宅以笏量地有十笏許故曰方丈之室

禁中

天子所居侍御不得妄入故曰禁中

長秋

皇后宮名秋陰之始取其長欲其久也

鴈櫺

鴈櫺窓言如鴈列之齊也

廬屋

屋欲壞

繕完

傳云繕完葺牆重複其字者三完當爲字字

枅拱

枅雞奸二音拱拱第二音爾雅枅柱上橫木承棟者也

栱桷

栱音而謂梁上短柱上承屋脊者桷作節

原廟

原重也先有廟今更立之

徒四壁

相如傳家徒四壁立但有四壁更無資產

諺臺

音恥周景王作諺臺爾足堂樓邊小屋

鼓敝

屋壞也

蚩尾

蘇氏衍義蚩海獸也栢梁殿有蚩尾水之精也能卻火謂鴟尾非

壁璫

三輔黃圖注以壁玉飾瓦之璫也

郎臺

廊同

五柞宮

漢離宮也取五柞木爲之音鑿文選音作非

鹿臺

史記紂厚賦以實鹿臺大三里高千尺

宮室

儒有一畝之宮環堵之室漢來尊者以爲帝號下乃避之一曲禮注四面穹窿則宮貯物充實則室

倉廩

倉也

綵椽

相如傳綵椽不斷史記采椽不刮

鉅橋

倉名

澤宮

天子習射於澤宮擇賢之宮也

司馬門

宮垣內兵衛所在四面皆有司馬主武事總言之外門爲司馬門

表著

著音除朝內列位有定處所謂表著也

泮宮

類同泮於天子之宮有泮水

駮姿

駮音撤婆蘇可切漢宮名駮姿馬行迅疾貌言宮之深大迅行乃徧也

金塢

董卓築塢於郿號萬歲塢塢保障也

踰隱

踰隱以待之隱短牆也

雲窠

文選窠與節同畫雲氣爲山窠也

囿游

囿之離宮小苑游觀處古謂囿漢謂之苑

銅柱

又作桐柱

鼎湖

漢武宮名

銅餞

漢五行志宮門銅餞環同

北門

御史南門北開取肅殺義

唐肆

過路亭無壁者

堦扉

文選北戶堦扉堦泥也泥以避寒也

瀝臺

三輔黃圖卽漸臺也

北堂

故母稱北堂

關鍵

同鍵

京庾

京大庾
倉也

肩鐻

肩涓熒切曲禮奉肩注
關也鐻音決環有舌者

落成

左宮室始成
祭之曰落

桂枿

門所施行
馬曰桂枿

步櫚

簷檐同下
可容步也

文陛

漢書梅福曰願
一登文石之陛

踦閭

公羊傳踦閭而語謂閉一扇開
扇一人在內一人在外曰踦閭

頤成廟

文帝自為廟制度
卑狹若頤望而成

籬格

格落同集
韻作籬格

僭差

又作
僭差

豹關

古詩豹關嚴鎖鑰

居處

集成居者定居處者暫止

行內

猶禁中也天子內中也

栢人

亭名

麗譙

門上高樓爲譙故謂美麗之樓爲麗譙又作樵

楨榦

題曰楨旁曰榦書峙乃楨榦兩頭橫木也

廣除

除庭也古詩蹀足循廣除

蠶室

三輔黃圖館蠶繭之所也漢書作蠶行腐刑之所

學宮

學之官舍也

銅鞮

鞮音抵春秋時晉離宮名

法宮

法宮路寢正殿也古者貴賤所居皆得稱宮至秦漢定爲至尊所居之稱

環堵

回繞也

瑣窓

窓牖有綺疎青瑣也

環堵

集韻謂面一堵墻也

媿宮室

媿美同周禮媿宮室

鼓角樓

唐百官志節受入境州縣立節樓迎以鼓角鼓角樓始此

九筵

九尺曰筵周制明堂中廣九筵

堦垣

堦音詭毀垣也垣墉圯壞曰堦

側階

下階也王儉集序

掖庭

宮旁舍也掖門掖垣皆取如人肘腋也

周衛

周衛謂朝庭也

棟梁

又樑同

靈宇

靈宇寺也

鋪首

說文門環也

棟隆

棟梁也隆隆起于上也

百梁臺

服虔注用百梁作臺因名之

兩觀

古者帝屋每門樹兩觀於前所以標表宮門登之可以徧觀故謂之觀

中葺

宮中構結深密之處

館娃

宮名

百常

十六尺爲常百常言高也

虎闥

宣室志王融以國子監爲虎闥

金馬門

宦署門也門旁有銅馬故曰金馬門漢武得大宛馬以銅鑄象立於署門因名金馬東方朔等

待詔

於此

徧房

課作連直之所作豹房誤

路寢

路訓大故凡君所在以大爲號路門路車路寢之類

綽楔

坊牌一云榻楔
音竭屑作綽誤

復道

上下有道故曰
復道音福複同

便坐

別坐之處曰便坐便
殿便房其義亦然

殿城

城古砌字
階齒也

暴室

暴曝同掖庭曬
衣也與薄室同

閼閼

又作伐明其等曰
閼積其功曰閼

杜治

謝靈運生於杜治養之
注治皆奉道家學室也

爽塏

左傳請更之爽塏者
爽明塏燥也又塏塏

邸舍

邸至也言
所歸至也

屋扇

扇漏同从雨在
尸下尸左也

管鍵

鍵音檢管以閉
門鍵以啓門

管籥

或作闌或作鑰从門者爲
門用从竹者古通用也

大夏

文選涼過大夏注大屋也

第宅

宅有甲乙次第故謂之第

赭堊

堊音惡赭赤土也堊白土也

請室

請罪之室也

委巷

卽曲巷也

左个

明堂四面偏室曰左个

聽事

古者治官處謂之聽事後語省直曰聽故加戶

魏闕

出莊子言巍然高也

網戶

門扉刻方目如羅網狀今亮榻

法坐

梅福傳當戶牖之法坐注正坐也

廟

軒轅升天羣臣取几杖立廟此廟之始

町疇

町音挺疇他短切舍傍隙地也

閼閼

高門也

宅

宅擇也擇吉處而營之蒲阪有舜宅是也

地室

楚子爲地室縣樂客登金奏作於下

粉堞

城上女垣以白堊之故曰粉堞

夾室

釋名在堂雨頭故曰夾室

斗帳

小帳也

鶴禁

漢宮闕疏曰白鶴太子所居之地

固護

牢固也文選觀基扇之固護

桔枰

音額迭左傳入于桔枰之門又閤閑

尙省

音常

雙渡

上鳥郭及下胡郭反言宮室深慶處

漏浴

禮內外不共漏浴浴室也

禁楸

楸補汚切文選短椽也

徼道

徼音叫循
更禁道

部署

玄宗為祿山起第
戒曰善為部署

火衡

音弄

合柱

夾壁也

井幹

幹字有幹字者說文漢書音韓
學林音翰莊子音肝平去二音

枌枿

音翳詣
宮名

畫室

計畫之室
或曰雕畫

屈戌

京師人謂曲須 又曰即金鋪單曰屈戌古
詩鎖香金屈戌輟耕錄云屈膝作屈戌誤

邑屋

邑屋猶言村
舍巷舍也

比舍

五家為比取
其相連也

白屋

以白茅
覆屋也

社屋

王充論衡亡國
之社屋其上

藻井

綺井又覆海風俗通宮室象東井刻荷菱水草所以厭火屋上履櫟也

衛道

漢記作甬

卽次

次舍也謂行旅就安處也

突奧

突一吊切室西南隅曰奧東南隅曰突一作奧突古文守奧突之焚燭

幄幃

音亦在上曰幃四旁及上曰帷上上四旁悉周曰幄所以承塵也

永巷

宮中長巷也

逆旅

客舍爲逆旅迎也所以迎旅也

版棹

蓋屋版也俗呼旺版訛

凌陰

凌音另藏冰之室六書故作𡇗𡇗

一
二
三
四
五
六
七
八
九
十

卷之五

—
—
—



